

Høyringssvar – søndagsopne butikkar

Innsendar: oddvarm@gmail.com Oddvar Moen

Eg er sterkt imot å opne for søndagsopne butikkar, både som generell ordning og som ordning der kommunen bestemmer.

Grunngjeving:

- Vi treng søndag som ein annleis dag. Stressnivået er høgt nok på dei seks kvardagane.
- Vi greier oss godt med kioskar, brustadbuer og turistopne butikkar. Å opne for å gjere søndag til vanleg handledag vil bryte med ein god, gammal norsk tradisjon.
- Å spreie omsetninga på sju dagar vil føre til prisoppgang, for butikkane må tene inn dei ekstra driftsutgiftene. Vi kan (bør!) ikkje eta meir eller kle oss meir.
- Ekstra kjøring vil slå negativt ut på CO2-rekneskapen.
- Erfaringar frå Danmark viser at handelen i grisgrendt strøk går ned og aukar ved kjøpesentra som ligg sentralt til. Danske nærbutikkar på distriktet har måtta legge ned. Dette vil slå enda sterkare ut i tynt befolka Noreg. Når ei grend mistar nærbutikken, som gjerne også har post i butikk, er det katastrofe for busetnad og verdi på bustadhus.
- Når folk først dreg ut på søndagshandel, vil det ikkje ikkje vere til den trauste nærbutikken, men heller til eit kjøpesenter der ein kan handle litt, kikke, la borna leike i leikebingar o.l. medan foreldra slappar av, gjerne på ein serveringsstad.
- Dermed ryk søndagsturen i skog og mark, kyrkjebesøk, idrettsarrangement, familitreff eller vanleg god avslapping inne eller i hagen.
- Å lage ordningar som reduserer friluftsliv og mosjon vil gå ut over folkehelsa med større utgifter for helsetenesta.
- Dei tilsette i varehandel og varetransport treng søndagen.
- Å la kommunane sjølv vedta opne eller stengde butikkar er eit blindspor. Ein landkommune utan kjøpesenter vil ikkje ta sjansen på å halde stengde butikkar dersom eit kjøpesenter i utkanten av næraste by har opent.
- Reglane på kjøpesentra er slik at alle enkeltbutikkane må følgje same opningstid. Det vil bli svært krevjande for spesialbutikkar som krev fagkunnskap, t.d. apotek og optikarar. Der kan ein ikkje sette inn studentar.

Hægeland, 30. juni 2015

Med vennleg helsing

Oddvar Moen